

## **Aalisarnermit paasissutissat nassiuttarneri pillugu Namminersorlutik Oqartussat nalunaarutaat nr. 10, 19. august 2014-imeersoq Atuussimasoq (Historisk)**

Aalisarneq pillugu Inatsisartut Inatsisaanni nr. 18, 31.oktober 1996-imeersumi § 25 a aamma § 33 imm. 2 aamma imm. 3, kingullermik Inatsisartut Inatsisaanni nr. 12, 3. december 2012-meersumi allangortinneqartoq tunngavigalugu, aalajangersarneqarpoq:

### Atuuffii aamma nassuiaatit

**§ 1.** Nalunaarut atuuppoq suliffeqarfinnut, Kalaallit Nunaanni aalisarnermik inuussutissarsiuutigalugu ingerlaqartunut, tassunga atatillugu aalisariut atorineqartoq piumasaqaatit makku ilaanni ataatsimik naammassinnissimatillugu:

- 1) Aalisariutit avataani aalisarnissamut akuersissuteqartut.
- 2) Aalisariutit sinerissamut qanittumi kinguppannik aalisarnissamut akuersissuteqartut.
- 3) Aalisariutit sinerissamut qanittumi qaleralinnik aalisarnissamut angallammut akuersissuteqartut.

**§ 2.** "Aalisarnermit paasissutissat" nalunaarummi uani isumaqartinneqarput tassaasut tunisassiornermit naatsorsuuserinermillu paasissutissat, aalisariummut §-1-imi ilanngunneqartumut, ilanngussaq 1-imi aamma ilanngussaq 2-mi itinerusumik allattorsimasumut, tunngassuteqartut.

### Aalisarnermit paasissutissat nassiunneri

**§ 3.** Suliffeqarfiit tamarmik § 1-imi ilaatinneqartut ukiut tamaasa kingusinnerpaamik 1. juni aalisarnermit paasissutissat akileraartarnermut ingerlatsivimmumt nassiuttassavai, tassani ukioq aningaasarsiorfiusup siulia tamakkerlugu aalisarnermit paasissutissat nassiuneqassallutik. Taamaattoq 2014-imi ukiut aningaasarsiorfiusut 2011, 2012 aamma 2013 pillugit aalisarnermit paasissutissat nassiunneqassapput.

**§ 4.** Suliffeqarfiup suulluunniit § 1-imi ilaatinneqartup aalisariutaatini § 1, nr. 1 aamma 2-mi taaneqartut pillugit aalisarnermit paasissutissat immersugassaq ilanngussaq 1-imiittoq atorlugu Akileraartarnermut Aqutsisoqarfimmumt nassiutissavai. Immersugassaq kukkunerisuiusumit nalunaarsorneqarsimasumit imaluunniit naalagaaffimmit akuerisaasumit atsiorneqarsimassaaq.

Imm. 2. Suliffeqarfit tamarmik § 1-imi ilanngunneqarsimasut aalisariutaatiminut tunngatillugu § 1, nr. 3-mi taaneqartut pillugit aalisarnermit paasissutissat, ilanngussaq 2-mi immersugassaq atorlugu, Akileraartarnermut Aqutsisoqarfimmumt nassiutissavai.

Imm. 3. Aalisariutit § 1-imi ilaasut tamarmik immikkut immersugassamik immersuisimassapput, tak. imm. 1 aamma 2.

Imm. 4. Aalisarnermit paasissutissat nassiunnissaannut, qarasaasiatigut nassiunnissaat ilanngullugu, ilitsersuutitut najoqqutassat Aalisarnermut, Piniarnermut Nunalerinermullu Naalakkersuisoqarfiup aalajangissavai.

#### Pineqaatissiissutit

§ 5. § 3-mik, § 4, imm. 1-imik, § 4, imm. 2-mik imaluunniit § 4, imm. 3-mik unioqqutitsinerit, Pinerluttulerinermut Inatsimmi Kalaallit Nunaannut atuuttumi maleruagassat malillugit akiliisitsinermik malitseqarsinnaapput.

Imm. 2. Pinerluttulerinermut Inatsimmi Kalaallit Nunaannut atuuttumi maleruagassat malillugit inuk inatsisit malillugit akisussaatinneqartoq akiliisinneqarsinnaavoq.

#### Atuutilersitsineq

§ 6. Nalunaarut ulloq 25. august 2014-imi atuutilerpoq.

Namminersorlutik Oqartussat, ulloq 19. august 2014

Finn Karlsen

/

Jørgen Isak Olsen